

նուն ի ձեռս խաչ, աւետարան, բուրվառ,  
 խաչալամ. իսկ սարկաւազք, դպիրք եւ կղե-  
 րիկոսք քչոց առնուն, ծնծղայ. եւ այլք այլ  
 ինչ: Եւ հրամայէ Պարոնտէրն հաշտիլ եւ  
 165 համբուրել զմիմիանս, զի Քրիստոս ոչ գայ  
 առ մեղաւորս եւ սխապահոս, այլ փախչի: Եւ  
 բարձրաձայն գոչեն իրեք Տէր ողորմեա. զկնի՛  
 Լուսաւորչին փառօք փառք տամք Աստուծոյ.  
 եւ սաստիկ գոռայ սուրբ գերեզմանն եւ ճայթ-  
 170 մունք լինի մեծամեծ. ուստի ճառագայթէ  
 լոյս եւ ելանէ պատուհան ի դուրս. ապա տե-  
 սեալ զլոյսն, աւիրեն զմօհրն: Եւ նախ մտանէ  
 հապաչն. զկնի հայն, ապա հոռոմն: Եւ մեր  
 Պարոնտէրն Յովհաննէս կաթողիկոսին հրա-  
 175 մեցէք արար. եւ զգեցաւ շուրջառ, եմիփո-  
 րոն, եւ զթագն եդ ի գլուխ որպէս ի ժամ  
 սուրբ պատարագին. եւ տեսին զՀայոց կան-  
 թեզն վառած, ուստի եւ Լուսաւորչի կանթեզ  
 կոչի, որ է խորած. անտի լուցանեն զպատ-  
 180 րոյզան. եւ ելեալ ի դուրս կարգաւ ամէն ա-  
 ռաջնորդ իւր ազգին տայ լոյս. եւ նոցա առեալ  
 չփեն զերեսս եւ զմօրուս եւ ոչ այրէ, զի դեռ  
 չէ հուր այլ լոյս. իրեք ձեռք անցնի, ապա  
 այրէ. եւ ապա սկսանին մի ըստ միովէ կար-  
 185 դաւ մտանել ի մատուռն: Եւ սուրբ Գերեզ-  
 մանն կարմիր է եւ խղմիչ եղել, ջերմ. եւ  
 քրտունք հոսին ոլտոնաձեւ, զոր զպատանքն  
 սրբեն ի վերայ. եւ այն է ի վերայ պատանայ